
■ RADIOTELEVISION SVIZRA RUMANTSCHA

rtr.ch cun in nov vestgì

(rtr) La nova pagina d'internet www.rtr.ch da RTR Radiotelevision Svizra Rumantscha sa preschenta a partir d'immediat cun in nov vestgì. Ella contribuescha als basegns dal public, metta il focus sin las novitads da las regiuns e porscha cunzunt era cuntegns multimedials. Uschia pussibilitescha rtr.ch als visitaders in access pli svelts e direct tar l'offerta multifara da RTR.

Nova pagina inziala

La pagina inziala è la porta tar il nov mund multimedial da RTR e porscha ina survista dals cuntegns relevants ed actuals dal di. Tras ina actualisaziun regulara resta la pagina adina attractiva e pussibilitescha access direct tar temas d'interess.

In'offerta multifara per in e scadin: Cun ils differents temas: Novitads, Sport,

Aura e Dossiers facilitescha RTR l'entrada tar ils cuntegns giavischads. En il decurs dals proxims mais vegn la purschida adina augmentada. Quai cunzunt sin il sector da las novitads regionalas. Mintgin u mintgina chatta lura las novitads specificas da sia regiun tar las suandantas rubricas: Engiadina, Grischun central, Surselva, ulteriur Grischun, valladas talianas.

Play RTR

La consumaziun da medias sa mida. Uschia er il consum da television. Cun la nova purschida Play RTR èsi pussaivel da guardar cuntegns da video – pli tard lura era audio – cura, co e nua ch'ins vul. La purschida da Play RTR datti era da telechargiar sco APP per il telefonin ubain per il tablet. L'APP è concepida per iOS ed Android.